

刘禹锡的诗

作者：有故事的人 来源：范文网 www.wtabcd.cn/fanwen/

本文原地址：<https://www.wtabcd.cn/fanwen/meiwen/ece332e38907c725522968e9552d7722.html>

范文网，为你加油喝彩！

刘禹锡的诗|刘禹锡的诗全集

1、《陋室铭》

山不在高，有仙则名。

水不在深，有龙则灵。

斯是陋室，惟吾德馨。

苔痕上阶绿，草色入帘青。

谈笑有鸿儒，往来无白丁。

可以调素琴，阅金经。

无丝竹之乱耳，无案牍之劳形。

南阳诸葛庐，西蜀子云亭。

孔子云：何陋之有？

2、《九日登高》

世路山河险，君门烟雾深。

年年上高处，未省不伤心。

3、《缺题》

故人日已远，窗下尘满琴。

坐对一樽酒，恨多无力斟。

幕疏萤色迥，露重月华深。

万境与群籁，此时情岂任。

4、《庭竹》

露涤铅粉节，风摇青玉枝。

依依似君子，无地不相宜。

5、《秋词》

自古逢秋悲寂寥，我言秋日胜春朝。

晴空一鹤排云上，便引诗情到碧宵。

6、《汉寿城春望》

汉寿城边野草春，荒祠古墓对荆榛。

田中牧竖烧刍狗，陌上行人看石麟。

华表半空经霹雳，碑文才见满埃尘。

不知何日东瀛变，此地还成要路津。

7、《伤桃源薛道士》

坛边松在鹤巢空，白鹿闲行旧径中。

手植红桃千树发，满山无主任春风。

8、《赏牡丹》

庭前芍药妖无格，池上芙蕖净少情。

唯有牡丹真国色，花开时节动京城。

9、《浪淘沙》

日照澄州江雾开，淘金女伴满江隈。

美人首饰侯王印，尽是沙中浪底来。

10、《视刀环歌》

常恨言语浅，不如人意深。

今朝两相视，脉脉万重心。

11、《浪淘沙》

莫道谗言如浪深，莫道迁客似沙沉。

千淘万漉虽辛苦，吹尽狂沙始到金。

12、《浪淘沙》

九曲黄河万里沙，浪淘风簸自天涯。

如今直上银河去，同到牵牛织女家。

13、《杨柳枝》

扬子江头烟景迷，隋家宫树拂金堤。

嵯峨犹有当时色，半蘸波中水鸟栖。

14、《观云篇》

兴云感阴气，疾足如见机。

晴来意态行，有若功成归。

葱茏含晚景，洁白凝秋晖。

夜深度银汉，漠漠仙人衣。

15、《酬令狐相公杏园花下饮有怀见寄》

年年曲江望，花发即经过。

未饮心先醉，临风思倍多。

三春看又尽，两地欲如何。

日望长安道，空成劳者歌。

16、《竹枝》

江上春来新雨晴，□西春水縠纹生。

桥东桥西好杨柳，人来人去唱歌行。

17、《松江送处州奚使君》

吴越古今路，沧波朝夕流。

从来别离地，能使管弦愁。

江草带烟暮，海云含雨秋。

知君五陵客，不乐石门游。

18、《伤循州浑尚书》

贵人沦落路人哀，碧海连天丹旆回。

遥想长安此时节，朱门深巷百花开。

19、《寄赠小樊》

花面丫头十三四，春来绰约向人时。

终须买取名春草，处处将行步步随。

20、《步虚词》

阿母种桃云海际，花落子城二千岁。

海风吹折最繁枝，跪捧琼□献天帝。

更多 范文 请访问 https://www.wtabcd.cn/fanwen/list/91_0.html

文章生成doc功能，由[范文网](#)开发